

**Adami Tanneri E Societate Iesv, S. Theologiæ D. Et In
Academia Ingolstad. Professoris, Theologiæ Scholasticæ
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]
vitijs: ac varijs hominum statibus. Secvndae Secvundae S. Thomae
Aqvinatis Respondens

Tanner, Adam

Ingolstadii, 1627

Dubium I. De adoratione in genere, eiusque adeo notione, ratione,
varietate, & distinctione ab ijs, cum quibus nonnullam affinitatem habet.

[urn:nbn:de:hbz:466:1-72877](https://nbn-resolving.de/urn:nbn:de:hbz:466:1-72877)

Q V A E S T I O II.

De actibus exterioribus Religionis, siue Latriæ; ac primum de adoratione Dei, Sanctorum, rerumque ac imaginum sacrarum.

S. Thomas 2. 2. q. 84. aa. 3.

A tractat quidem S. Thomas hoc loco solum de adoratione DEI, ut etiam locus ipse propriè postulat: at vero propter similitudinem & connexionem rerum, à nobis breves paulo generalius tractanda est; prout scilicet adoratio non solum ad Deum, sed etiam ad Sanctos, aliasq; res, & imagines sacras referri potest; ut iam antea etiam in prolixa & luculenta disputatione hac de re edita fecimus, quam ipsam hoc loco paulo magis ad scholastica doctrina methodum revocabimus.

Absolutetur igitur hac questio septem dubitationibus. I. De adoratione in genere eiusque adeo notione, ratione, varietate, & distinctione ab ijs, cum quibus nonnullam affinitatem habet. II. De adoratione sacra DEI, CHRISTI hominis, & Sanctorum. III. De adoratione sacra Reliquiarum, Imaginum, & rerum sacrarum inanimarum; an sint adorandæ. IV. De ratione & modo adorationis rerum eiusmodi inanimarum; speciatim qua circa eam certa; qua in contiouersia sint; queque vocum in ea re consuetarum sit ratio & significatio. V. Animales etiam proprie vlo modo adorande sive colende sint; itemque an ipsa etiam in se tanquam obiectum Quod terminent actum adorationis seu cultus non tantum ratione signi exterioris, sed etiam ratione interne submissionis. VI. An & quare imagines simul cum exemplari, eodemque cultu coli possint. VII. Utrum nibilominus imagines & reliquie sacre secundum se, & per se etiam, tanquam totum obiectum materiale cultus, quod immediate ac directe colatur, adorari aliquo licet inferiori cultu possint; non adorato formaliter & directe exemplari.

D V B I V M I.

De adoratione in genere; eiusque adeo notione, ratione, varietate, & distinctione ab ijs, cum quibus nonnullam affinitatem habet.

S. Thomas 2. 2. q. 84. a. 2. & q. 103. a. 1. & 2.

Adorationis vocula non eodem modo vbiique sumuntur. Nonnunquam enim generatim significat quemcunque actum religionis internum vel externum, quo honor diuinus Deo deferatur, vt notauit Gregorius de Valentia hic q. 3. pun. 1. Qua ratione etiam actum orationis & sacrificij comprehendit. Ut cum apud Plinium l. 28. c. 2. legimus: Cur & fascinationibus adoratione peculiari occurrimus? Vbi Lexicographus: Adorationem hic pro religione posuit, vel potius precatione. Item Genes. 22. v. 5. Abraham de oratione vel sacrificio peragendo locutus: Ego, inquit, & puer, illuc usq; properantes, postquam adorauerimus, reversemur ad vos. Et Ioan. 4. v. 23. Finit hora, & nunc est, quando veri adoratores adorabunt Patrem in spiritu & veritate. Et Pater tales querit, qui adorent eum.

Quo fere sensu etiam Suarez 3. p. tom. i. disp. 54. lect. 5. & Cordubalib. 1. q. 5. dub. 6. docent;

adorationem significare nonnunquam quodlibet signum externum reverentiae vel submissio- ni erga alterum. Verum proprie ac in propo- sito sumuntur pro externo ac speciali quodam actu seu nota reverentiae ac honoris, qua per certum quendam motum ac gestum corporis alteri rever- entia exhibetur.

Ad cuius proinde rationem generalem, prout ab adoratione Dei abstrahit, explicādam, (in qua re quidam paſſim hallucinantur) necessè est hæc quinque ordine explicare. 1. Quæ sit illa nota seu gestus corporis, ad rationē adorationis sufficiens. 2. Quis alter ille, cui iure exhibetur. 3. Quæ ex- cellentia, ob quam alteri proprie exhibetur. 4. Quæ illa animi submissio, cuius nota existit adora- tio. 5. A quo possit recte exhiberi.

Sic enim explicatum habebimus. 1. obiectum materiale quod adorationis. 2. obiectū materiale

cui. 3.

cui. 3. rationem formalem obiectiuam eiusdem obiecti cui. 4. obiectum formale quod, adeoque ipsam adorationis rationem formalem; quae ab illa submissione, velut ab eo, quod in adoratio-
ne potissimum est, desumitur, iuxta S. Thomam
hic q. 84. a. 2. ad 2. vbi ait: *sicut oratio primordiali-
ter est quidem in mente, secundario autem verbis expri-
mitur: ita etiam adoratio principaliter quidem in inter-
iori Dei reverentia consistit, secundario autem in qui-
busdam corporalibus humilitatis signis: sicut genu flecti-
ma nostram infirmitatem designantes, in comparatione
ad Deum, proferimus autem nos quasi profanes nos
nihil esse ex nobis.* Deniq; explicatum habebimus
subiectum adorationis. Ex quibusdem etiam
facile colligetur adorationis varietas, & distinc-
tio ab ijs, cum quibus nonnullam affinitatem
habet...

4 Quæritur igitur primo, quæ sit illa nota, quis-
ue, gestus corporis, ad rationem adorationis
sufficiens.

Respondetur, eam ex nominis etymologia,
quæ tamē apud scriptores varie assignatur, com-
modissime explicari. Etenim primo Laurentius
Valla lib. 5. elegant. cap. 11. vocem illam ab orando
deriat: quasi idem sit adorare, quod ad aliquem
orare, seu ore precari. Adorare, inquit,
ab ore, quod est precor, componitur; supplicare à plico,
quod genu, popliteisque, aut cervicem plicamus, cum à
potiore aliquod magnum quid precamur. Idem
habet Bonaventura in 3. dist. 9. a. 1. q. 4. & sup-
ponere videntur plerique; alij Scholastici Doctores.

Cum qua notione ad vnguem conspirat vulgaris
vocula Germanici idiomatici (*Unbetten*) adora-
tionem exprimens. Iuxta quam etiam nominis
notionem, fatendum est, neque imagines, neq;
reliquias, aut alias res sacras inanimas adorandas
esse, vt pote quas ore precari, seu inuocare non
licet...

5 Sed aut hæc nominis etymologia vera non
est; aut sane ab Etymo plurimum deflexit usus &
germana significatio nominis; quod ipsemer.
Valla ibidem notauit: *Et tamen, inquit, adorare sine
ore, sine voce sit, non sine plicatione genuum ac corporis:*
supplicare sine plicatione genuum ac gestu corporis; non
sine ore ac voce. Et. *No* que rebus mutu ac sensu carentibus
non supplicamus, sed adorationis honorem exhibe-
mus, ut Regum status, signis, vestibus, literis, alijsque
similibus; Et præcipue picturis, imaginibusque, tum Dei,
tum sanctorum, tum ipsius etiam crucis; quam sapientes
adorant, stulti etiam orant.

Vnde etiam ea, quæ ab auctoribus tam sacris,
quam profanis proprie dici solet adoratio, nō est
oratio; sed actus ab oratione distinctus, ut inferius
patebit. Certe omnes Theologi, cū S. Thoma
hic q. 83. & 84. orationem, & adorationem, tanquam
duos distinctos actus religionis commemorant. Eadem
apud Græcos vocū differēcia est. Nam quod
latinis adoratio, græcis est προσκύνης, quasi ad-
motio, seu versus aliquē motio; quod illis inuocatio
seu oratio supplicatis, his προσευχή dicitur.

Secundo eiusdem vocis originē Nonius Mar-
cellus de propriet. serm. ita assignat: *Ador*, ait,
frumenti genus est, quod epulis & immolationibus sacris
pum putatur: unde & adorare, propitiare religiones,

potest dictum videri. Fauet huic sententia, quod
Sextus Pompeius Festus de verbor. significat. in
hæc verba scriptit: *Ador* Farris genus, edor quondam
appellatum, ab edendo, vel quod aduratur, ut fiat ro-
sum, unde in sacrificio mola falsa efficitur. Sed nec i-
sta etymologia satis probatur. Si enim proba es-
set, sequeretur, imolations seu sacrificia maxi-
me proprie adorationem esse; cum tamen & ipsi
isti tanquam duo distincti actus apud S. Thomam
hic q. 84. & 85. aliosque Theologos habeantur;
idq; ex communia latine loquentium usu. Quare
etiam Iustus Lipsius lib. 2. Electorum cap. 6. hanc
derivationem velut inane Grammaticorum acu-
men deridet.

7 Qui proinde hanc tertiam eius nominis ety-
mologiam ibidē his verbis refert & probat: Osu-
lorū, inquit, ratio alia est magis superstitionis, & qua-
si cultus. Verebantur enim plerumq; Deos ipsos ore pre-
fano suo tangere, sed eminus stantes manum porrigebant,
eamq; statim reverenter ad os suum referabant & suau-
abantur. Hic habitus receptus, & velut solemnis
adorantium fuit; quem mihi ingerunt scriptorum leci
multi. Plinius: In adorando dextram ad osculum refe-
rimus. Minutius Felix in Octavo: Cæcilium simulacrum
Serapidis denotato, ut vulgus superstitionis solet, manum
ori admouens osculum labris impreficit. Apuleius apo-
logia priore: Nulli Deo ad hoc aut supplicavit; nullum
templum frequentavit; si fanum aliquod prætereat, ne-
fus habet adorandi gratia manum labris admouere. Et
lib. 5. Milestarum de psyche: Multi denique ciuium, &
aduenient copiosi inacteſſa formositas admiratione flipi-
di, & aduenientes oribus suis dextrarum, primore digito in
erectum pollicem residente, ut ipsam prorsus Deam ve-
nerem religiosis adorationibus venerabantur.

8 Pergit Lipsius: Nec Romani solum hic ritus, sed
Syri olim & Orienti. In sacra historia lib. cap. 32. Si
vidi solem cum fulgeret, & lunam incidentem clare
& osculatus sum manum ore meo, id est, si lunam aut
solē adoravi: (quomodo etiam interpretatur
Hieronymus commentario in Oœa capit. 13.
initio.) Vetus interpres 3. Regum 19. Quorum ge-
nua non sunt incurvata ante Baal, & omne os, quod non
adorauit eum, osculans manum. Hieronymus in
Ruffinum. Qui adorant, solent osculari manum, &
capita submittere; & saepius in hebraicis phrasis de-
sculatio est adoratio. Atque ego latinis ipsi hinc cen-
so formatum adorandi verbum; quia manus ad ora ad-
mouebant. Ita Lipsius.

Qui huc etiam refert huius sæculi morem,
quem seruiliter, inquit, adulatio seruat. Fere enim
aulica illæ musæ, cum potentiores saluant, vestem, aut
aliquam partem corporis manu illi tangunt, quamque fla-
stum cum veneratione quadam ad os reportant. Nec dubi-
tabis, quin super hoc vestigium sit præsa illius adoratio-
nis. Hæc libere auctor.

9 Et vero placet illa nobis ipsius etymologie ra-
tio; vt pote vim ac usum vocula adorationis in
aliquo gestu corporis, cultus gratia usurpat, si-
tæ quam maxime exprimens. Vnde primum eti-
am adorandi modum, seu potius primā eius note
externæ speciem habemus, qua fit adoratio, ni-
mirum in venerabunda manus ad os admozione
positam.

Neque tamen ex hac etymologia vsq; adeo re-
stringen-

Stringendus est germanus vsus & significatio nominis, vt solam manus ad ora applicationem, reverentia & honoris causa factam, adorationem esse putemus. Nam cum adoratio gentibus omnibus sit ac semp fuerit communis; non tamen idem aut unus semper; invariatus fuit adorationis ritus, ut pote ex arbitrio & institutione humana dependens rationemq; signi ex instituto significantis habens. Quin imo vti pro diversitate temporis, sexus, aut personarū, cetera honoris symbola variantur; ita etiam adorationis.

Quare solutio calcementorum, adeoq; nuditas pedum olim religioni & reverentiae data, ac præcepta Moysi, Exodi 3. vers. 5. iam augustissimum Missæ sacrificium celebranti in vitio ponitur, vt docent Syluester V. Missa 1. Henriquez libro 9. cap. 29. & Suarez de Missa disputatione 82. section. 2. & 3. Item omnis vir orans aut prophetans velato capite, deturpat caput suum. Omnis autem mulier orans, aut prophetans non velato capite, deturpat caput suum 1. Cor. 11. v. 5. Qui ergo gestus seu habitus corporis in viris pro veneratione symbolo habetur, in mulieribus probrū ducitur.

Sed & in ipsis viris detectio capitis apud veteres quidem Romanos, Europæosque nostrates, honoris seu reverentiae nota est, vt videre est apud Lipsium in amphitheatro c. 19. & 20. & libro 1. Eleitorum cap. 23. Iulium Barbaranum, tom. 1. tit. Reverentia genera; at eadem tamen multis alijs gentibus inuisitata: quamquam & Romanos, inquit Lipsius, dum sacrificabant, capice sumus suis velato; idque prisca quodammodo obuio ritu, à nostris tamen moribus alieno. Sicur ergo pleraque nomina originem quidem à certa affectione, vsu, aut modorei, quam appellant, sortuntur, attamen ipso vsu ac genuino significatu multo patent latius: ita etiam adoratio licet primitus ab ad motione manus ad ora dicta sit, restamen ipsa multo latius diffunditur.

Etenim secundo constat, eos, qui humi procumbentes, ad pedes alicuius reverentiae causa aduoluerentur, vel maxime adorasse fuisse existimat, vt passim ex scriptura constat, sive de politica & civili, sive de sacra adoratione loquamur Genesis 18. vers. 2. Abraham tres viros (Angelos) adorauit in terram. Genesis 19. v. 1. Lot duos Angelos adorauit pronus in terram. Genesis 24. vers. 52. Puer Abraham adorauit in terram Dominum. Genesis 33. vers. 3. Iacob progrediens adorauit pronus in terram septies. Genesis 43. v. 26. & c. 50. v. 18. Fratres Iosephi adorauerunt ipsum pronus in terram. Genesis 48. v. 12. Ioseph coram patre adorauit pronus in terram. Num. 22. v. 31. Balaam adorauit Angelum pronus in terram. Iosue 5. vers. 15. Videns & cognoscens Angelum Iosue, cecidit pronus in terram, & adorans ait: Quid Dominus meus loquiuit ad seruum suum? Ruth 2. versu 10. Cadens in faciem suam, & adorans super terram dixit ad Booz.

Item 1. Regum 20. vers. 41. Dauid cadens pronus in terram adorauit tertio, 1. Regum 24. v. 9. Inclinans se Dauid pronus in teram adorauit Saul. 1. Regum 25. v. 23. Abigail procidit coram Dauid super faciem suam, & adorauit super terram, & cecidit ad

pedes eius. 1. Regum 28. v. 14. Saul coram Samuel excitato, inclinavit se super faciem suam, in terra, & adorauit. 2. Regum 9. v. 6. Miphiboseth coram Dauid corruit in faciem suam & adorauit. 2. Regum 14. v. 22. Cadens Ioab super faciem suam in terram adorauit, & benedixit Regi. Et ibidem v. 33. Ablalon adorauit super faciem terra coram Dauid. 2. Regum 24. v. 21. Areunaegressus adorauit Regem proximo vultu in terram. 3. Regum 1. v. 23. Nathan adorauit Regem pronus in terram. 4. Regum 4. v. 37. Sunamitis corruit ad pedes Elisai, & adorauit super terram. 1. Paralipomenon 21. v. 21. Ornan adorauit Danielem pronus in terram. 2. Paralipomenon 7. v. 3. Omnes filii Israel coruentes proni in terram super panimentum stratum lapide, adorauerunt & laudarunt Dominum. Iob 1. v. 20. Corruens in terram adorauit. Psalmus 94. v. 6. Venite adoremus, & procidamus. Isaia 46. v. 6. Idololatriæ procidunt & adorant. Isaia 49. vers. 23. Vultu in terram demissi adorabunt te, & puluerem pedum tuorum lingent. Isaia 60. v. 14. Et venient ad te curui filiorum, qui humiliauerunt te, & adorabunt vestigia pedum tuorum. Danielis 3. v. 15. Prosternite vos, & adorate statuam, quam feci. Et v. 5. & 6. Cadeantes adorate statuam auream. &c. si quis autem non prostratus adorauerit. &c.

Item in novo testamento, Matthæi 2. vers. 11. Magi procidentes adorauerunt Christum. Matthæi 4. v. 9. Si cadens adorauerit me. Ioannis 9. v. 38. Cæcus sanatus procidens adorauit Christum. Act. 10. v. 25. Cornelius procidens ad pedes Petri adorauit. Apocalypsis 3. v. 9. Adorete ante pedes tuos, Apocalyp. 22. v. 8. Cecidi ut adorem, ante pedes Angeli. Quæ fatus hic referre placuit, quia deinceps etiam vñi futura sunt.

Atq; hac de causa fortasse Barnabas Brissonius in suo lexico, vniuersam adorationis vim exprimere volens dixit; Adorare est procumbendo venerari. Sed non recte, vt partim ex dictis liquet, partim ex sequentibus manifestius fieri.

Etenim tertio nō obscure scriptura pluribus in locis indicat, adorationem quandoque sine procumbentis gestu, sola genuum, aut capitis inflexione, etiam à stantibus fuisse peractam. Genesis 24. v. 26. Seruus Abrahæ inclinavit se, & adorauit Dominum. Genesis 33. Ancilla Iacob, & filii earum incuruati sunt. Accedit quoq; Lia cù pueris suis, & cum similiter adorasset, extremi Ioseph & Rachel adorauerunt. Genesis 37. v. 7. Putabam nos ligare manipulos in agro, & quasi consurgere manipulum meum, & stare, vestrosque manipulos circumstantes adorare manipulum meum. Exodi 12. v. 27. Incuruatus populus adorauit. 3. Regum 1. v. 16. Inclinavit se Bethsabee, & adorauit Regem. 3. Regum 8. v. 54. Salomon adorans Dominum, virumq; genu in terram fixit, & manus expandit in calum. 4. Regum 1. v. 13. Princeps quinquagenarius curuauit genua contra Eliam.

Item 4. Regum 5. v. 8. ait Naaman: Quando ingredietur Dominus meus templū Remmon, ut adoret, & illo innidente (non vtiq; prostrato) super manū meam, si adorauerit in templo Remmon, adorante eo, in eodem loco &c. 2. Paralipomenon 29. vers. 30. Leuitæ Deum incuruato genu adorauerunt. Esther 3. v. 2. Cuncti seruū Regis flectebant genua, & adorabant Aman, &c. Iohannes Mardochæus non flectebat genu, neq; adorabat

eum. 1. Esdræ 9. v. 5. In sacrificio vespertino surrexi de afflictione mea, & seiso pallio & tunica, curuauit genua mea, & expandi manus meas ad Dominum. Daniel c. 6. v. 10. Contra Hierusalem flectebat genua sua, & adorabat tribus temporibus in die. Marci 15. v. 19. Ponentes genua adorabant eum.

Huc spectat illud Isaïæ 45. vers. 29. Mibi curuabitur omne genu. Et quod 3. Regum 19. v. 18. dicitur: Derelinquam mihi in Israël septem millia virorum, quorum genua non sunt incurvata ante Baal. Et illud Philipp. 2. v. 10. In nomine IESV omne genu flectatur.

Quem adorationis modum refert etiam Sanctus Thomas hic q. 84. a. 2. ad 2. Eundem tradit Benedictus Pererius to. 4. in Genesim c. 33. n. 2. addens etiam istum, qui ad præcedentem reuocari potest, & siebat per incurvationem corporis, declinando scilicet caput, cum medica corporis demissione. Et utriq; adstipulatur præsens inter homines consuetudo.

15 Quartus adorationis modus siebat per oscula impressa ei, qui adorabatur, præcipue secundum genua. De qua re Plinius l. 11. c. 45. Hominis genibus, inquit, quædam religio inest, obseruatione gentium. Hec supplices attingunt: adhac manus tendunt; hæc ut aras adorant &c. qui ritus etiam hodie apud quasdam nationes cernitur.

Huc pertinet illud psalmi 2. vers. 12. iuxta lectionem hebraicam, Oculamini filium, id est, adorate; pro quo nos legimus: Apprehendite disciplinam; nempe filij Dei, quod proinde eundem sensum reddit. Et Exodij 18. v. 7. Moyses egressus in occursum cognati sui, adorauit, & osculatus est eum. Taceo oris, menti, manus, pedis, vestis, & postis oscula, quæ itidem ad quandam adorationis speciem veteri more pertinuisse, fuse probant Lipsius 2. Electorum cap. 23. & Barbaranus loc. cit.

16 Quamquam oris osculum non tam adorationis, quam amoris signum videtur. Vnde Macarius in VII. synodo epistola synodali ad Imperatorem actione 7. referens illud Matthæi 13. & Lucæ 15. de Pharisæis amantibus primos recubitus in conuiujs, & salutationes in foro: Certum est, inquit, ab ore pudi, id est, salutationem, hoc loco a Domino appellari oculum terræ, filios videlicet Heth. 2. Regum 18. v. 21. Adorauit Chusus Iacob, & cucurrit. 2. Regum 2. v. 19. Salomon Rex surrexit in occursum matris, adorauit eam. Judith 10. v. 20. Adorauit eum (Holofernem) pofernem se super terram.

17 Quinto etiam capitinis detectio, cum debita animi submissione facta, non incongrue adorationi tribui potest. Nam cum pileus sit libertatis insigne, velut erga alterum seruitutem profiteatur ille, qui ipsi pileum ponit; quamquam fateor, non semper honoriam hanc retectionem capitnis adorationis rationem habere; sed quandoque simplicis honoris, pro ratione circumstantiarum: quod tamen nihil obstat, quo minus iuxta alias circumstantias, etiam pro adorationis nota habeatur, vt supra n. 10. indicauimus.

Recte Pererius tom. 3. in Genes. cap. 23. numero 25. & cap. 17. numero 7. Scire conuenit, hebraum sahah, quod latine redditur adoro, indifferenter

& in uniuersum significare reverentiam & honorem, qui per exteriorem corporis motum, hoc est, inclinationem capitis & pectoris, vel retectionem capitis, vel proibitum in genua, aut in terram exhibetur cuicunque persona excellenti dignitatibus, aut potestate, vel humana, vel Angelica, vel divine. Vasquez itidem 1. de ador. n. 371. & 387. nudationem capitis vocat notationem adorationis.

Idem significat Adrianus Epistola ad Constantiun & Irenen, dum ait: Qualis vero iste est adorationis honor? Profecto non alius, quam is, quo nos peccatores quoq; invicem prosequimur, salutantes nos interna per honorationem & dilectionem. Et Anastasius Episcopus Theopoleos in VII. synodo actione 4. generatim ait: Adorationem esse honoris alicui (cum submissione) exhibiti veluti emphasm.

Consentientis his ceteri Theologici cum S. Thomas hoc loco, qui nullo certo motu ac gestu corporis adorationem circumscribunt: cum quibus proinde fatendum, omnem illum corporis motum seu gestum esse sufficientem adorationis notam, quæ iuxta receptum patrum seu gentis aliquius morem, ad illam animi submissionem, adorationis propriam, significandam idoneam est. Cuius ratio est; quia ut dictum, cum gestus ille seu nota submissionis ex institutione humana dependeat, fieri potest, vt tum apud diuersas nationes & populos, tum etiam diuerso tempore, apud easdem, diuersissime varietur; ipsa interim adorationis ratione ubiq; eadem existente.

Quæritur secundo, cuinam personæ vel rei iure exhiberi possit adoratio.

Respondeo ex dictis quæsito præcedenti, certum esse, iure ac legitime exhiberi, I. Deo vero. II. Christo homini, qui & ipse Deus est. III. Angelis; non autem diabolo, propter perpetuam in malo obstatonem, & eam, quam cum hominibus habet implacabile inimicitiam, vt ex communione & certa docet S. Thomas 2.2. q. 103. art. 2. ad 2. IV. Hominibus viuentibus, tum sacris, quæ tales in quibus etiam numerandi sacro oleo vnde Reges, & Prophetæ, in specie David, Elias, & Elieæ; tum alijs; in quibus habemus Iacob, Esau, Ioseph, vt superiorius à n. 11. ex scripturis retulimus.

Quibus addo ista, Genesis 23. v. 7. Resurrexit Abraham, & adorauit populum terræ, filios videlicet Heth. 2. Regum 18. v. 21. Adorauit Chusus Iacob, & cucurrit. 2. Regum 2. v. 19. Salomon Rex surrexit in occursum matris, adorauit eam. Judith 10. v. 20. Adorauit eum (Holofernem) pofernem se super terram.

V. Hominibus sanctis demortuis, seu potius animabus defunctoru, vt Samuelis iuxta veriore explicationem 1. Reg. 28. VI. deniq; etiæ rebus inanimatis adoratione recte tribuitur: tū sacris, iuxta illud psal. 89. v. 5. Adorate scabellum pedum eius, tum etiam prophani, vt purpuræ Regis; quod multis testimonij ex iure ciuili, probat Brissonius loc. cit. & passim testantur SS. Patres.

Quod si contra hæc, quandoq; aliqui adorationem recusarunt, aut per accidens fecerunt; quia loco & modo inopportuno postulata, vt de Mardochæo quidam sentiunt; vel diuinam creatura tribui noluerunt, vt de Paulo & Barnaba constat Act. 14. & de eodem Mardochæo docent

S. Thomas hic q. 84. a. 1. Lyranus Esther cap. 3. & Pererius in Genesin tom. 3. cap. 17. num. 7. ex communi. Vel denique ex submissione aut benevolentia affectu a se remouerunt; in quibus Angelus respectu Ioannis Apocalypsis 19. Petrus respectu Cornelij Act. 10. vt ex veriori docent Vasquez & Pererius loc. cit. & rursum cap. 23. Genes. num. 25.

Optime hac de re S. Thomas cit. q. 84. a. 1. ad 1. secundum reverentiam, quæ creatura excellenti debetur, Nathan adorauit David: secundum autem reverentiam, quæ debetur Deo, Mardochæus noluit adorare Aman, timens ne honorem Dei transferret ad hominem, ut dicitur Esther 13. Et similiter secundum reverentiam debitam creatura excellenti, Abraham adorauit Angelos; Et etiam Ioseph, ut legitur Ioseph 5. Quamus posse intelligi, quod adorauerint adoratione latræ Deum, qui in persona Angeli apparebat & loquebatur. secundum autem reverentiam, quæ debetur Deo, prohibitus est Iohannes Angelum adorare, Apocal. vlt. Tum ad offendendum dignitatem hominis, quam adeptus est per Christum, ut Angelus aequaliter; Vnde ibi subditur: Conseruus tuus sum & fratribus tuorum: tum etiam ad excludendum idolatria occasionem; unde subditur: Deum adora.

Fatetur tamen interim, adoratio nomen per antonomasiam & excellentiam ita non unquam accipi, ut adoratione latræ soli Deo debitam significet, adeoque soli Deo tribuatur. In quem sensum Hieronymus contra Vigilantium. Quis, inquit, O insani caput, aliquando Martyres adorauit? quis hominem putauit Deum? Qui tamen apologia aduersis Russinum: Protinus, inquit, concito gradu Bethlehem meam reverens sum ubi adoravi præfere & incunabula Salvatoris,

Eundem modū loquendi usurpant non unquam alii Patres, vt Athanasius serm. 3. cōtra Arrianos, Ambrosius in cap. 1. ad Rom. Augustinus lib. de vera & falsa religione c. 55. Leo serm. 2. de Nativitate, Epiphanius de hæref. c. 9. Fulgentius lib. ad Donat. c. 4. Damascenus 1. 4. fidei c. 3. Ionas Aurelianensis lib. 1. de adorat. & ipsum Concilium Ephesinum tom. 6. cap. 1. Eodem respicit vulgare carmen.

Effigiem Christi, dum transis, semper honora;

Non tamen effigiem, sed quem designat, adora:

Nisi malis, adorationem hic vulgariter orationem significare.

Sed & scriptura subinde eidem loquendi modo fauet. Ut Deuteronom. 6. v. 13. & Matthæi 4. v. 10. dicitur: Dominum Deum tuum adorabis, & illi soli seruies; prout etiam intellexerunt Valentia hic q. 3. pun. 1. & Vasquez l. 1. de adorat. n. 153. licet aliter intelligat Pererius tom. 3. in Genesin cap. 23. n. 25. cum Augustino q. 61. in Genes. Huic similis est etiam locus ille 1. Tim. 1. v. 17. soli Deo honor & gloria.

Imo etiā prophani Scriptores non unquam ita loquuti videntur. Lampridius in Alexandre Imperatore: Ipse adorari se vetuit; cū iam capisset Helogabalus adorari more Persarum. Eutropius lib. 9. de Diocletiano: Adorari se iubet; cū ante eū cuncti salutarentur. Quod explicans quasi Dio lib. penult. Primus Cæsar (Caligula) se adorari instituit ut Deū.

Quod & de Diocletiano referūt Aurelius Victor par. 2. n. 39. & Cassiodorus in Chronico n. 1040.

Vnde Pererius tom. 4. in Genes. c. 32. num. 2. scribit: Latinum verbum adorandi fere non est in usu, neque apud Theologos, neque in vulgari Christianorum sermone, nisi in veri filiusque Dei cultu.

Sed hæc nihil obstant, quod minus iuxta receptissimam phrasim scripturæ superius commemoratam, iuxta frequentissimum Patrum etiam latinorum, (vt inferius magis patebit) ac prophetariorum scriptorum, nec infrequentē etiā Theologorum usum, iuxta vim ac notionē nominis, iuxta ipsissimam adorationis essentiā, fateamur, atq; ita etiam cum videbitur, loquamur, vere ac proprie etiā alia prater Deum adorari, de quibus superius dictum: Niſi quis contendere velit, solum quoq; Deum bonum; solum Patrem, ac Magistrum vocandum esse; soli illi, (non alijs) gloriam & honorē habendum; quod nemo dixerit.

Quod igitur de dulia nō male dixit Bonaventura 3. dist. 9. art. 2. q. 4. nomen illud tripliciter dici: Uno modo, inquit, dicitur dulia secundum quandam analogiam: alio modo secundū antonomasiā; & tertio modo secundū significationē propriā: hoc etiam de voce adorationis verissime dici potest. Secundum propriam enim significationem dicit actum voluntatis, quo quis per aliquem corporis gestum exhibet notā submissionis alteri, ob illius excellentiam. Secundū analogiam significat quamlibet notā submissionis erga alterū. Secundū antonomasiā significat solius Dei adorationem.

Tertio queritur, quānam sit excellentia illa, ob quam proprio adoratio cuiquam defertur.

Respondeo. Hac in re vniuersim certum, & extra controveriam est, eam quæ primaria & ultimata sit adorandi ratio, aliam esse non posse, quam excellentiam substantiæ intellectualis; hæc enim sola vt honoris, ita adorationis ultimus terminus est. Immediata vero & minus principalis, ac secundaria ratio adorandi esse potest etiam excellentia quedam inferior, & ex intellectuali substantiæ participata, vt constat in adoratione rerum inanimatarum; quod inferius magis declarabitur.

In particulari denique, excellentia velut ratio adorandi alia est increata & infinita; alia creata & finita; hæc rursus vel ordinis supernaturalis est, à qua res aliquo modo sit & dicatur sacra; vel ordinis naturalis: illa sacra seu religiosa; hæc politica adorationis formalis terminus est.

Quamquam & Deum quoque vt bonum naturale, adoratione, quæ sit ordinis naturalis, coli posse, nullum est dubium, vt in simili de dilectione Dei suo loco diximus disp. 2. q. 2. dub. 2. quæ tamen nihilominus adoratio licet supernaturalis non sit, sacra tamen dicitur, non profana; quia ad obiectum & excellentiam sacram terminatur.

Quæritur quarto, quānam illa sit animi submissio, cuius nota est exterior adorationis genus.

Respondeo, eam non esse eandem, respectu cuiusvis adorantis, aut rei adoratae. Sicut enim inter has, quod ad excellentiæ rationē, magna dif-

ferentia esse solet, ita etiam submissionis secundum rectum dictamen exhibenda, non potest non esse diuersissima ratio: Idque non tantum cum diversi adorationis ritus seu modi usurpan-²⁷tur, sed etiam cum iudicium.

Quod in adoratione Dei & creaturae alicuius est manifestissimum. Licit enim externus ritus adorationis, respectu vtrorumque saepe sic idem: tam Deo enim, quam hominibus genu flectimus, & utrisque caput aperimus: submis-²⁸sio tamen interna, per exteriorem ritum significata, est diuersissima. Deo enim adorans se, submittit, tanquam summo, infinito, & indepen-²⁹denti bono ac Domino, per infimam quan-³⁰dam animi demissionem ac servitutem, soli Deo debitam: creaturae vero solum tanquam limi-³¹tato bono; idque accommodate adeoque aliter & aliter, iuxta variam eius excellentiam, & ador-³²antis conditionem. Quo fit, vt licet externus adorationis gestus sit invariatus, ipsa tamen adoratio saepe sit diuersissima.

Quod si excellentia in re adorata nulla appa-³³reat, aut sane adorantis submissio eidem non respondeat, sed excellentiam eiusdem excedat, va-³⁴na & superstitione erit adoratio.

Quinto deniq; & postremo quadratur, à quo-³⁵nam adoratio recte possit exhiberi.

Respondetur, cum ex parte adorantis plane necessarium sit, vt is rem adorandam concipiatur, tanquam aliquo modo se superiore, seu præstantiore; idcirco Deus quidem secundum se adorare neminem potest: Christus secundum humanitatem adorat Deum, vt patet ex gestu orantis in horto: Angeli adorant Deum & Christum hominem; Hebræorum 9. vers. 6. & quin etiam inter illos ipsos alij alios, omnes autem B. Virginem suo modo adorent, non est dubitan-³⁶dum. Homines certe, & Angelos, & seipso mutuo recte adorare posse, ex dictis n. 19. per-³⁷spicuum est. Ita etiam in adoratione rerum inanimatarum, seruata proportione, necesse est, vt eæ ab adorante concipientur, vt aliquo modo præstantiores.

Atamen sicut necesse non est, vt res quælibet adorata sit absolute & simpliciter excellentiæ, qui adorat, vt recte notauit Sanctus Thomas 2. 2. questio 103. articulo 2. Alioquin enim nec sanctior minus sanctum nec æqualem æqualem; nec filius aut subditus iustus parentem aut Regem peccarorem; nec nullus imaginem Regis, vel Dei adorare posset: ita etiam opus non est, vt adorans se alteri tanquam undeunque & absolute superiori vel digniori sub-³⁸mittat: satis est, rem adorandam vt quadam sa-³⁹ne ratione, & secundum quid excellentiorem apprehendi, vt docet Sanctus Thomas ibidem, iuxta illud ad Philipp. 2. v. 3. In humilitate superiores sibi inuicem arbitrantur; non qua sua sunt singuli considerantes, sed ea que aliorum.

Vnde Sanctus Thomas cit. quest. 103. art. 2. ad 3. In quolibet, inquit, inuenitur aliquid, ex quo potest quis eum superiori refutare, & secundum hoc etiam omnes se inuicem debent honore præuenire, iuxta Apostolum ad Rom. 12. v. 10. Honore inuicem

præuenientes. Et ibidem in corp. Non enim potest, inquit, quod ille qui honoratur, sit excellentior hono-³⁹rante; sed forte quibusdam alijs; vel etiam ipso hono-⁴⁰rante, quantum ad aliquid, & non simpliciter. Atque haec de ratione adorationis uniuersim accep-⁴¹ptæ, prout a certo obiecto seu termino abstracta-⁴²hit, dicta sunt.

Ex quibus colligitur primo, adorationem quatuor minimum actus deposcere. Primus est iudicium speculativum intellectus de alterius excellentia; qui actus pro diversitate obie-⁴³cti, vel ad fidem, aut similem habitum supernaturalem intellectus, vel ad naturalem mentis soleritatem & vim cognoscendi perti-⁴⁴net.

Secundus actus est iudicium practicum, seu dictamen intellectus, eidem hic & nunc pro ratione excellentia cultum congruum cum debita animi submissione, deferendum; qui est actus prudentie.

Tertius est actus voluntatis, huic iudicio consentientis; adeoque submittentis alteri, ac simul actum aliquem alium, velut obiectum, ac medium eligentis, quo talis protestatio sub-⁴⁵missionis fiat, qui actus in adoratione praepi-⁴⁶pous est, & velut actus immediate elicitus, ad eam ipsam virtutem obseruantia pertinet, qua pro ratione suæ conditionis res aliqua co-⁴⁷litur.

Quartus est aliquis actus externus, velut nota submissionis, & ultimata consummata adorationem; qui actus etiam in recto, ipso nomine adorationis significatur, & dici potest vel per se ac immediate imperatus, vel mediate elicitus eiusdem virtutis. Quam doctrinam fere etiam habet Bellarminus lib. 1. de Sanctis cap. 12. & in simili tradidimus supra generatim de religione agentes quest. 1. dub. 2. n. 25.

Colligitur secundo, quotuplex sit adoratio. Nam primo adoratio late accepta à S. Thoma, quest. 84. a. 2. duplex constituitur; interna vide-⁴⁸licet, quam reuerentiam & deuotionem interio-⁴⁹rem appellat, qualis etiam in scriptura Angelis tribuitur, Heb. 1. v. 6. altera externa, Illa pro ob-⁵⁰iecto habet ipsos actus fidei, spei & charitatis, quatenus his ipsis nos Deo subiiciimus, vt q. 1. dub. 1. suo loco dictum; haec vero pro obiecto ha-⁵¹bet actum externum. Qua de causa etiam plerique veteres Theologi apud Valquez de adorat. 1. i. c. 2. n. 190. dixerunt, adorationem pro obiecto habere etiam cultum interiore, qui fide, spe, & charitate Deo exhibetur, vt etiam loco cit. diximus.

Hicque loquendi modus confirmari potest ex eo, quia etiam oratio, licet iuxta vocis etymon-⁵²vocalem solammodo orationem significet, quæ solo ore pronuntiatur; nemo tamen facile nega-⁵³rit, orationem mentalem vere & propriæ orationem esse, maxime quando actus mere internus nota esse potest submissionis Deo cordium inspec-⁵⁴tori, non hominibus, vt quest. præced. cit. dub. 1. dictum.

Sed reuera adoratio proprie dicta, tam ex pri-⁵⁵ma impositione, quam proprio & recepto visu-⁵⁶loquendi, notam externam cuiusdam gestus corporei

denotat.

denotat, atque ita proprie nulla datur adoratio mere interna, ut pluribus tradit Vasquez lib. 1. de adorat. cap. 4. & à potiori Bonauentura in. 3. dist. 9. art. 2. quæst. 3. & Maior q. 1. Quo fit vt ea diuisio adorationis tantum sit analogi in. analoga.

31 Qualis est etiam illa, qua adoratio externa diuiditur in externam tantum, carentem scilicet interna submissione, qualem milites Pilati Christo impie detulerunt; & mixtam, seu ex utraque, interna scilicet & interna, conflatam, qua sola proprie adoratio est, ut ex dictis constat. Potest tamē alio sensu adoratio proprie etiam in externam & internam diuidi, ut sit diuisio non totius vniuersalis in partes subiectivas, sed totius integri in. partes integrantes, iuxta hactenus dicta n. 29.

Secundo adoratio alia est *sacra* & *religiosa*, ordinisque supernaturalis; alia *politica* & *civili*, ac ordinis naturalis; quarum utraque proprie ac vniuoce dicta adoratio est, ut ex dictis constat num. 25.

32 Tertio adoratio alia est *absoluta*, solius intellectualis creaturæ propria, ut dictum num. 25. alia *reflexiva*, quæ rebus etiam inanimatis, propter excellentiam intellectualis creaturæ tribuitur. Quam diuisiōnem etiā Durandus, Hollcot, Payua, & alij, qui negant, res inanimatas proprie coli, ut inferius dicetur dub. 5. analogam dicere necesse habeant: nobis tamen, qui res etiam inanimatas proprie coli censemus, vniuocam dicere licet, iuxta ea, quæ inferius trademus cit. dub. 5. Quanquam nec id necesse est dicere; cum accidentis analogice quidē, sed nihilominus etiam proprie sit & dicatur ens, ut ibidem notamus n. 134.

Quarto adoratio alia est *latria*; ac propria. excellentiæ diuinæ; alia communis Theologorum vñu appropriato nomine dicitur *dulia* (quo tamen nomine etiam latria nonnunquam per antonomasiā afficitur) & excellentiam creatam respicit, atque essentialiter à priori distinguitur, iuxta S. Thomam 2. 2. quæst. 25. art. 1. & quæst. 81. a. 4. & quæst. 103. & communem; quidquid dixerit Marsilius in 3. q. 8 a. 1. ad 3.

Et hoc quoque diuisio simul & vniuoca est, licet aliter Bellarminus lib. de sanctis cap. 12. & adæquata, si & de habitibus intelligatur, & ad religiosam adorationem non restringatur. Qua notione iam olim S. Thomæ quæst. 103. articulo 3. & 4. usurpata dulia, rursum in *duliam inferiorem*, & *hyperduliam* diuiditur: sed quæ nomina iam recentiori vñu soli fere adorationi *sacra* accommodantur, ut pluribus suo loco dicetur.

33 Colligitur tertio, quid de alijs vocibus sentiendum, quæ cum adoratione affinitatem habent; quales sunt bona existimatio, honor, laus, gloria, cultus, veneratio, reuerentia. *Bona* enim existimatio sola intellectus recte de altero sentientis actio est, & potest sine ceteris omnibus consistere, cetera autem sine illa minime.

Honor testimonium quodlibet excellentiæ est, ac prōinde fere genus ad cetera, quæ subiunximus, iuxta Aristotelem 1. Ethic. cap. 8. & lib. 8. cap. 8. & Sanctum Thomam 2. 2. quæstion.

103. corp. & ad 3. vbi simul recte addit, Deum quidem honorari proprie, ipsosque homines apud Deum etiam sola mente; dum scilicet aliquis recognoscit vel Dei excellentiam, vel etiam alterius hominis coram D e o: & vero apud homines honorari neminem posse, nisi accedant signa exteriæ, vel verborum, puta cum aliquis ore pronuntiat excellentiam aliquam; vel facta, sicut inclinationibus, obviationibus, & alijs huiusmodi, vel etiam exterioribus rebus, puta in munerum oblatione, aut imaginum inscriptione, vel alijs huiusmodi.

Laus in verbis consistit iuxta S. Thomam loco citato ad 3. & Gellium lib. 2. cap. 6. Male prōinde à Cornelio Frontone definita, secunda existimatio recte factorum, cum addendum fuisset, verba expressa. Alia Aristotelis 1. Ethic. 12. apud S. Thomam loc. cit. inter laudem & honorem distinctio, quasi laus tantum sit circa bonitatem aliquam in ordine ad finem; cum honor sit etiam optimorum, quæ non sunt ad finem, non est vñu recepta, ut bene notauit Vasquez lib. 1. n. 3.

Gloria est frequens de aliquo fama, cum laude, iuxta Ciceronem 2. de inuent. seu ut S. Thomas loc. cit. ex Augustino lib. 83. q. 31. ait, *Præclarum laude notitia*, quæ prioris effectus est.

Cultus seu colere Vasquio lib. 1. n. 5 idem videtur esse, quod honorare; quo circā etiam inferioribus tribui cent. Sed rectius Nonio Marcello idem est, quod venerari, ex communi, ut apparet, recte loquentium vñu, ut etiam dictum superius q. 1. dub. 2. n. 25. Cui præstat auctoritatem Cicero 2. de lege Agraria: *Non eos in Deorum immortalium numero venerandos à nobis, & colendos putatis?* Et 1. de nat. Deorum: *Nam & prestant natura Deorum hominum pietate colere tur, cum & aeterna esset & beatissima.* Haber enim venerationem in gloriam, quidquid excellit.

Porro venerari, inquit Paulus Diaconus, à venia & orante compescit esse videtur. Insulse sati. Rectius dicitur, esse cum quadam animi submissione honorare, sive per gestum aliquem corporis, eius submissionis indicem, sive alia ratione. Quocircā etiam *landibus granisque aliquæ venerari*, dixit Tacitus lib. 12. Eodem modo sacrificijs & votis Deum venerari ac colere vere ac proprie dicimus, non item adorare.

Reuerentia propriæ interiorem potius affectum submissionis significare videtur, iuxta Sanctum. Thomam loc. citat. & quæst. 81. art. 2. ad 1. quam aliquam ipsius notam. Vulgariter tamen pro quavis honoris nota accipitur; & vñtrouis modo ab adoratione distinguuntur.

Habent tamen haec tria præ ceteris supradictis maximam inter se affinitatem. Quocircā etiam à Vasquio lib. 1. num. 4. & 5. idem significare putantur; nec nisi aliquo modo superiori tribuntur; sicut è contrario bona existimatio, honor, & laus etiam est de æqualibus, aut inferioribus, iuxta Sanctum Thomam citat. quæst. 103. art. 2. Vnde Deus licet honorare Sanctos dicatur, non tamen colere, venerari, aut reuereri. Optime Augustinus lib. conf. serm. Ariani cap. 23. *Honorat omnis, qui adorat; non tamen adorat omnis qui honorat.*

Addit S. Thomas cit. quæst. 103. art. 1. ad 1. reuerentiam ex una parte esse primum motuum ad honorandum, in quantum scilicet aliquis ex reuerentia, quam habet ad aliquid, cum honorat. Ex alia vero parte, inquit, est honoris finis; in quantum scilicet aliquis ad hoc honoratur, ut in reuerentia habeatur ab alijs. Atque hæc de communi ratione adorationis satis.

D V B I V M II.

De adoratione sacra Dei, Christi hominis, & Sanctorum.

S. Thomas 2. 2. q. 84. a. 1. & 3.

38 Postquam rationem adorationis in genere, eiusque varietatem explicauimus, sequitur, vt speciatim de adoratione sacra, cuiusque terminis, hoc est, rebus ijs, quæ pie adorantur, sigillatim agamus.

Cum autem ea vniuersum duplicitis sint generis, quedam scilicet intellectu prædictæ, vt sunt Deus, Christus homo, alijq; Sancti; alia vero sint rationis expertes, vti sunt reliquia & imagines sacræ, aliique res inanimatae, prout aliquem ordinem ad Deum, aut alias personas sacras habent; in hoc quidem dubio, solum de adoratione sacra rerum prioris generis, in sequenti vero dubio de adoratione rerum inanimarum agemus.

Primo igitur queritur, an, qua ratione & vbi Deus sit adorandus.

39 ASSERTIO I. Deum propria quadam, eaque omniū perfectissima & excellētissima adoratione latræ adorandum esse, non solum positio, sed etiam naturali præcepto, evidenter constat. Est extra controversiam, & quantum ad præceptum diuinum spectat, constat ex scriptura Deuteron. 6. v. 13. & Matthæi 4. v. 10. Dominum Dūm tuum adorabis; & illi soli seruies.

Præceptum diuinū naturale colligitur ex ipsa ratione naturali, qua constat, cuique persona seu naturæ intelligenti & sanctæ, pro ratione sua excellentiæ ac dignitatibus, condignum adorationis honorem esse tribuendum. Cum ergo Deus, sit natura summæ ac infinitæ excellentiæ ac dignitatibus, fatendum est, eum propria quadam, & quidem perfectissima ac excellētissima adoratione esse colendum. Quæ quidem non est alia, quam adoratio latræ, siue religionis: siquidem latræ vox proprie significat actum seruitutis soli Deo tanquam summo omnium Domino debitæ; cum adoratio, quæ hominibus vel Angelis tribuitur, solum sit actus dulie, vt dictum dub. præced. n. 33. & declarauit Augustinus l. 1. de Trinitate cap. 6. vbi ait: Iubemur non seruire creaturæ, sed Creatori (Rom. 1. v. 25.) non eo modo, quo iubemur per charitatem seruire inuicem (Galat. 5. v. 15.) quod est græce δικένεαν, sed eo modo quo tantum Deo seruitur, quod est græce λατέργεαν. Vnde idololatriæ dicuntur, qui simulachriis eam seruitutem exhibent, quæ debetur Deo. Secundum hanc enim seruitutem dictum est: Dominum Deum tuum adorabis, & illi soli seruies. Nam & hoc distinctius in græca scriptura inuenitur λατέργεος enim habet.

41 ASSERTIO II. Adoratio Dei propria, non ex ipso ritu externo adorationis, corporisque gestu, sed interna animi demissione ac reuerentia desimitur. Ita Gregorius de Valencia hic q. 3. punct. 2. & Vasquez lib. 1. de adoratione num. 90. conuenienter S. Thomæ cit. quæst. 84. a. 1. ad 1. ex communi. Probatur ex dictis dub. præced. num. 11. & 26. ex quibus constat, infimos quoque adorationis gestus, puta corporis prostrationem, flexionem genuum. &c. etiam hominibus recte fuisse exhibitos; vti speciatim liquet Genes. 33. v. 3. quando Jacob adorauit Esau, prenus in terram. Et Genes. 43. v. 26. & cap. 50. v. 18. Filii Jacob adorauerunt Ioseph protus in terram.

Ratio est; quia cum in adoratione quiddam, quasi materiale sit ipse ritus seu gestus corporis, non est necesse, vt per eum ipsum adoratio Dei propria discernatur ab ea, quæ creaturis exhibetur. Quo fit, vt quoad externum præcisè ritum, nulla adoratio, seu naturali & diuino præcepto, seu perpetua & invariabili consuetudine, seu positionia aliqua lege, ita Dei propria sit, quin etiam alijs rebus communis esse possit, adeoque nulla adoratio præcisè ex nota exteriori discerni possit, an sit latræ, vel dulie.

Quamquam indecens apud nonnullos mundi seruos abusus est, demissiori corporis gestu venerari homines, quam Deum; quod etiam notauit Augustinus lib. 10. de civit. cap. 4. & exodem S. Thomæ cit. q. 84. a. 1. ad 1.

E contrario vero cum interna animi submissio ac reuerentia quasi anima sit & vita adorationis, ratioque formalis, qua externus adorationis motus quasi determinatur, necesse est, eam ita Dei propriam esse, vt absque manifesta idolatria nulli creature tribui vñquam possit, eo modo, quo Deo tribuitur, vt recte S. Thomas loc. cit. Respondeat enim hæc demissio rationi formalis obiecti, seu termini adorationis, hoc est, excellētia rei adoranda, quæ vtq; Deo propria est; nec vlli creatura secundū se comunicabilis.

42 ASSERTIO III. Ratio formalis, ob quam Deus proprie adoratur, est ipsa excellētissima diuinæ dignitatis seu ratio primi principij; quæ proinde vnum specie adorationis cultum ad virtutē religionis pertinentem constituit. Ita Vasquez l. 1. de adorat. disp. 2.. Lessius de relig. n. 50. post S. Thomam q. 81. a. 3. Alensem, Gabrielē, & comūnem, contra Cordubam l. 1. q. 5. dub. 2. qui pro diuersis quibusdā attributis Dei diuersos adorationis actū assignat. Probatur & declaratur assertio. Ratio enim formalis, ob quā Deus propriæ adoratur, non est bonitas Dei; hanc enim charitas respicit; nec cætera attributa singula; quādo singula nō continent formaliter excellentiæ undeque; infinitam, sed infinitam solum in suo genere, vt suo loco tomo 1. disp. 2. dictum: Ergo necesse est, vt sit ipsa infinita excellentia ac dignitas diuinæ nature, contenta in ipsa ratione primi principij, in quo includuntur omnes omnium attributorum perfectiones.

43 Quo fit, vt quamvis alijs atque alijs Deum collendi modis alia etiam atque alia attributa diuina expressius & significantius honorentur;

sacrifi-